

Fouxdkwlongj:

Duj "Valengj" Yisuz Bouxcuengh Daegsaek Yienhda Ndeu

扁担舞: 极具民族特色的壮族艺术“奇葩”

□ Liuz Yangz Dwng Cangj



▲ Mehmbwk Bouxcuengh Nazmbaeklae Lungcziz diuq fouxdkwlongj.



▲ Faexhanz vang roq daengi dog foux ndei yawj.

◀ Vunz bak diuq fouxdkwlongj nauhyied raeuh.



▲ Fouxdkwlongj cunzbyaij yiengh yinx vunz.

Youq gij mbanj Majsanh, Duh-anh doengh dieg Bouxcuengh neix, moix bi ndwencieng, gwnz diegdangz, gyaеujmbanj honghгаi, dauqcawq cungj dingqnyi gij sing roqdog faexhanz, riengz sing gyonglaz lij cab miz gij sing hemq "haixhaix" fat okdaeuj, gij sing dikdok de rengzrw d haenqrem, singyiengj sepset goksad, nauhyied dangqmaz. Daegbied dwg doengxhaemh, dauqcawq ronghcang-cang, aenmbanj gyukox, sing faexhanz cab gij sing mbokcuk mbaеumbengq sekrwz buenx roq haenx, gij sing riu gyoengq mbauqsau, gij sing haenh gyoengq bajlungz, gyoeb baenz gij sing angqyangz vuenyungz, gyuem doh aenmbanj, haprwenz luegbya, hawj vunz cingsaenz saenqhwnj, sim'angq simsangj. Gijneix couh dwg yiengh hoenghhwd fouxdkwlongj beixnuengx Bouxcuengh raeuz haengjgyaez, Guengjsae okmingz haenx. Bi 2008, "fouxdkwlongj Bouxcuengh" ndaej lied haeux Guengjsae buек daih-ngeih feihvuzciz vwnzva yizcanj mingzloeg.

Fouxdkwlongj caemh heuhguh "dkwlongjleh" "guhlongj" "dkw-longj", dwg cungj foux ciuhnduj gag guh'angq youq ndawbiengz Bouxcuengh riuzcienz baenz cien bi ndeu, dwg vunz ciuhnduj Bouxcuengh daj ndaw guhhong daemhaeux bienbaenz "fouxdaemhaeux" daeuj guh'angq, doeklaeng bienqbaenz cungj foux aeu faexhanz roqdog daengqraez ndeu, itbuen dwg youz mehmbwk biujyienj, gyoengqde song fwngz gaem faexhanz, humx ndwn song henz daengqraez, ciuq gij diemjgyong bouxroqgyong roq haenx, yungh song gyaеuj faexhanz yinzrw dkw roqdog daengqraez, caemhcaiq ei gij yienghdoengh ngoenznaengz guhhong yaep he gwnzlaj doxroq, yaep he ndwn hwnj maeuq roengz,

yaep he diemdin caez byaij, yaep he baenq ndang diuqyat, youq ndaw roqdog hwnjhwnj roengzroengz, camca caezcingj haenx, dauqyienh gij yiengh guhhong caeuq simcingz angqyangz ndaemnaz, gvejhaeux, fadhaeux, gonhraemx, daemhaeux, daemjrok, laeh vaiz roengz naz haenx, doq roq doq ciengq doq foux, ciengzmienh hungloet nauhyied.

Fouxdkwlongj youq Duh'an Linzyangh, Disuh, Anhyangz daengj yanghcин caeuq Majsanh Bwzsanh, Gujcai, Gyahfangh daengj yanghcин riuzcienz ndaej hwng raeuh, moix bi ndawcieng coit daengz cibloeg ceiq hoengh, mbanjmbanj cungj diuq fouxdkwlongj, hoeng gvaq cibloeg le couh mbouj diuq lo, neix dakdaiq le vunzlai Mbanjcuengh gij maqmuengh ndaw bi moq rumz swnh fwn yinz, haeux ndaej fungsou, dajciengx baenz raeuh, vunzvunz ndangrengz daengj. Fouxdkwlongj codaеuz dwg aeu gep benjfaex ndeu goemq gwnz rumrin daemhaeux aeu faexhanz roqdog, gvaqlaeng aenvih rumrin naek lai senjnod mbouj bienh, menhmenh couh gaj baenz aeu daengqraez daeuj dingj. Diuq fouxdkwlongj seiz, vunzsoq cix mbouj hanh, hoeng itdingh aeu dwg soqsueng, bouxyienj moix vunz cungj gaem diuz faexhanz ndeu, doiqnaj ndwn youq song mbiengj daengqraez, riengz sing

gyong roqdog diuqyek, saek yaep daengj faexhanz doxroq, saek yaep vang faexhanz aeu song gyaеuj roq gwnz daengqraez; mizseiz doiqnaj song vunz doxroq, mizseiz youh baenq ndang caeuq boux raeblaeng doxroq, mizseiz lij seiq vunz camca mbat faexhanz doxroq. Diemj roqdog lai cungj lai yiengh, miz ndwn, maeuq, yamqgung, baenqndang daengj lai cungj fap roqdog, bienqvaq lai cungj, hwnjroengz caezcup, roqdog vaiqv it comzgaenj, yienghdoengh rengzrw d, yienghfoux swhyienz sangj da. Mbanj dieg aeu faexsaux lawhdingj faexhanz, song gyaеuj lij cug hot geiq aen leij, roqdog hwnjdaeuj gij sing byotbet, ndeidingq dangqmaz.

Youq diuq fouxdkwlongj ndawde conroix miz dauq biujyienj caezcup ndeu, cujyau miz dwkaenrum, hoh fungsou, caez doxrop, daengx ranz angq, gonhraemx, ndaemnaz, fadhaeux daengj, yienh'ok gij yiengh guhhong, angqyangz beixnuengx Bouxcuengh. Aenvih fouxdkwlongj mboujdan ndaej hawj vunzlai ndangrengz, caiqlij youq mwh biujyienj, engq aeu bouxyienj yamqdin doxdoengz, roqdog yinzrw d, byaij daengx caezcup, cix ndaej ungganq gij cingsaenz doxdaengh vunzlai, ndigah ndaej daengz beixnuengx Bouxcuengh angqcoux caeuq haengjgyaez.



▲ Doih fouxdkwlongj Gyah-fangh Majsanh Yen guh biujyienj.



▲ Fouxdkwlongj seiqseiz youq ginggih biujyienj.



▲ Bang dahniq neix ndaej ciepan fouxdkwlongj lo.



▲ Fouxdkwlongj baijiengh va hai angi.



▲ Fouxdkwlongj ciuhgeq Majsanh.